



Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 181 (12.742)

Баҳоси эркин нарҳда

ЎЗБЕКИСТОН ПРЕЗИДЕНТИНИНГ ШҲТ САММИТИДА ИШТИРОКИГА ДОИР

Ўзбекистон Республикаси Президенти Ислон Каримов 2014 йил 11-12 сентябрь кунлари Шанхай ҳамкорлик ташкилотига аъзо мамлакатлар Давлат раҳбарлари кенгашининг Душанбе шаҳрида бўладиган навбатдаги мажлисида иштирок этади.

ШҲТга аъзо давлатлар раҳбарлари ташкилот фаолиятини янада такомиллаштириш истиқболларини, минтакавий хавфсизликни таъминлаш, иқтисодий ва инвестициявий ҳамкорликни фаоллаштириш, транспорт-коммуникация соҳасидаги ҳамкорликка оид ҳамда ўзаро манфаатли бошқа масалаларни муҳокама қиладилар.



Пойтахтимизда
13-14 октябрь кунлари
X Ўзбекистон халқаро
пахта ярмаркаси бўлиб
ўтади.

ЖАҲОН БОЗОРИГА ЧИҚИШНИНГ МУҲИМ ОМИЛИ

Президентимиз Ислон Каримов ташаббуси билан аънавий тарзда ўтказиб келинаётган ушбу нуфузли ярмарка жаҳон пахта саноати етакчилари, тўқимачилик корхоналари вакиллари ва савдо агентларига мамлакатимиз пахта комплексини ривожлантириш стратегияси билан таништириш, савдоларда қатнашиш, шартномалар тузиш имкониятини яратяди.

Ҳар қандай харидорни биринчи галда маҳсулот сифати қизиқтиради. Мамлакатимизда пахта толасини энг илғор халқаро стандартлар асосида сертификатлаш билан ишлаб чиқарувчилар ва истеъмолчилардан мустақил бўлган, Европа ва Америкадаги етакчи пахта уюмлари аъзоси – «Сифат» Ўзбекистон пахта толасини сертификатлаш маркази шугулланади. Ҳар бир вилоятда унинг бўлиmlари мавжуд. Мингдан зиёд мутахассис фаолият юритаётган, юқори ликвидлиги билан ажралиб турувчи толали сифатини кафолатловчи мазкур марказнинг миллий маълумотлар базасида юртимизда етиштирилаётган барча пахта навлари, пахта тозалаш корхоналарида ишлаб чиқарилаётган тола ва момикка оид сифат кўрсаткичлари тўғрисида тўлиқ маълумотлар жамланган. Ҳар бир ҳудудда етиштирилган пахта толаси сифат кўрсаткичлари ва оғирлиги бўйича «Сифат» Ўзбекистон пахта толасини сертификатлаш марказининг ҳудудий лабораторияларида синовдан ўтказилиб, назорат қилиб борилади.

Мамлакатимизда пахта толасини сертификатлаш ва синовдан ўтказишда энг замонавий ускуна – HVI тизимларидан фойдаланилмоқда, – дейди «Сифат» Ўзбекистон пахта толасини сертификатлаш маркази бош директори Ҳақимжон Умархўжаев. – Бир кунда минтагага намуна олиш имконини берадиган ушбу тизим толаннинг узунлиги, пишқирлиги, ранги, сифати, микроэфири, калта тола миқдори каби кўрсаткичларни аниқлаб беради. Синов натижаларига асосан тола тўдаларига мувофиқлик сертификатлари расмийлаштирилиб, у ишлаб чиқарувчи корхонага тақдим қилинади.

Юртимизда HVI тизимларида пахтанинг сифатини аниқлаш усули қўлланилаётгани беҳиз эмас. Зеро, у селекционер олимларга саноатчилар талабига мос навларни етиштиришга ёрдам бериб, пировардида ўзбек пахтасининг сифатини яхшилаш ва унинг рақобатбардорлигини оширишда кўл келади. Шу боис «Сифат» Ўзбекистон пахта толасини сертификатлаш марказини 2013-2017 йиллар давомида босқичма-босқич модернизация қилиш ҳамда техник ва технологик қайта жиҳозлаш кўзда тутилган. Унга кўра, 35 ярим автоматли Uster HVI 900 SA тизими ўрнига техник таснифлари такомиллаштирилган, унумдорлиги юқори бўлган 18 автоматлаштирилган Uster HVI 1000 тизими босқичма-босқич ўрнатилиши режалаштирилган.

Ҳозирги кунда «Сифат» марказида гўза навлари ва етиштирилган пахта толасининг сифат кўрсаткичлари чуқур таҳлил қилинаётгани ва шу асосда агротехник тадбирларни яхшилаш, янги навларни районлаштириш ва HVI тизимларини қўллаш бўйича амалий чоралар қўрилаётгани натижасида тўқимачилик саноати учун мақбул бўлган 4 тўпдаги толаннинг миқдори ошиб бормоқда.

Қувонарлиси, ўтган йили «Олий» ва «Яхши» синфларининг умумий улуши 84 фоизга етди. Толанинг узунлиги бўйича 4 тўпга мансуб толаларнинг умумий ҳажми 2012-2013 йиллар ҳосили бўйича 77,6 фоиздан 80,8 фоизгача ортди.

(Давоми 2-бетда)

ПОЙТАХТНИНГ БИР КУНИ

Мамлакатимизда қандолат маҳсулотлари ишлаб чиқариш даромадли соҳалардан бирига айланди. Бугун нафақат шаҳарлар, балки чекка қишлоқлардаги корхоналарда ҳам кенг турдаги ана шундай маҳсулотлар тайёрланмоқда. Бунинг натижасида бозорлари савдо марказлари расталари турли ширинликлар билан тўлиб-тошган.



ЭЪТИБОР ВА ИМКОНИЯТ САМАРАСИ



Президентимиз Ислон Каримов раҳнамолигида мустақиллик йилларида иқтисодий соҳада амалга оширилаётган кенг кўламли ислохотлар самарасида барча соҳалар қатори ички бозорни сифатли озиқ-овқат маҳсулотлари билан тўлдирish ва аҳолининг истеъмол молларига бўлган эҳтиёжини таъминлашда улкан ютуқларга эришилмоқда. Бунинг қандолат маҳсулотлари, чанқовбосди ичимликлар, нон ва нон маҳсулотлари ишлаб чиқаришда ҳам кўриш мумкин.

Давлатимиз раҳбарининг 2011 йил 31 октябрдаги «2012-

2015 йилларда республика озиқ-овқат саноатини бошқаришни ташкил этишни янада такомиллаштириш ва ривожлантириш чора-тадбирлари тўғрисида»ги Қарори маҳсулотни қайта ишлаш корхоналарини барпо этиш, мавжудларини реконструкция ва модернизация қилишда дастуруламал бўлмоқда.

Маълумотларга кўра, мамлакатимизда йилига 1 минг 300 тоннадан ортиқ конфет, карамел, мармелад, ҳолва ва бошқа маҳсулотлар тайёрланмоқда. Бу ички бозорни арзон, сифатли ва рақобатбардор ширинликлар билан тўлдирish имконини бераётди. Хусусан, пойтахтимизнинг Юнусобод туманида жойлашган «Shox Produkt Plus» масъулияти чекланган жамиятида ҳам қандолат маҳсулотлари ишлаб чиқариш ҳажми тобора ошмоқда. 2009 йилда

иш бошлаган корхонада дастлаб тўрт хил ширинлик тайёрланган бўлса, бугунги кунда замонавий технологиялар асосида юздан зиёд турдаги сифатли қандолат маҳсулотлари ишлаб чиқарилмоқда.

Корхона раҳбари Назира Исроилова хотин-қизлар ва ёшларга ҳунар ўргатиш, уларни иш билан таъминлаш бора-бора хайрли ишларни амалга оширмоқда. Бу ерда «устоз-шогирд» мактаби йўлга қўйилиб, йигирма нафардан зиёд йигит-қизнинг соҳа сирларини ўрганиши учун қулай шароит яратилган.

– Давлатимиз раҳбарининг тадбиркорликни қўллаб-қувватлашга қаратаётган эътибори бизга куч-ғайрат бағишламоқда, – дейди Н. Исроилова. – Соғлом рақобат муҳитида ишлаб чиқариш ва хизматлар қўламини янада ошириш ниятидамин.

Барно МЕЛИКУЛОВА,
ЎЗА муҳбири
Ё. Шамсиддинов (ЎЗА)
олган суратлар

Кўргазма

УЗОҚ ЎМОН БИЛАН ЯҚИН ҲАМКОРЛИК

Пойтахтимиздаги Темурийлар тарихи давлат музейида 9 сентябрь куни «Узоқ ва яқин Ўмон» номи маданий-тарихий кўргазма очилди.

Ўзбекистон Республикаси Фанлар академияси, Халқаро Амир Темуражамғармаси, Темурийлар тарихи давлат музейи ҳамда Ўмон Султонлиги Вазирлар Маҳкамаси Миллий девонхонаси ҳамкорлигида ташкил этилган мазкур кўргазманинг очилишида турли вазирлик ва идоралар, ижодий ташкилотлар, мамлакатимизда фаолият кўрсатаётган дипломатик корпус ва халқаро ташкилотлар вакиллари, рассомлар, санъат ихлосмандлари иштирок этади.

Кўргазманинг очилишида Ўзбекистон Республикаси Бош вазирининг биринчи ўринбосари Рустам Азиев, Ўмон Султонлиги Вазирлар Маҳкамаси Миллий девонхонаси раиси Ҳамад бин Мухаммад ал-Давяний Ўзбекистон билан Ўмон ўртасидаги ҳамкорлик барча соҳалар қатори маданият ва санъат йўналишларида ҳам изчил тараққий этиб бораётгани, бунда икки давлат раҳбар-

ларининг учрашувлари чоғида эришилган келишувлар муҳим ҳуқуқий асос бўлиб хизмат қилаётганини алоҳида таъкидлади.

Ўзбекистон ва Ўмон ҳамкорлиги халқларимизнинг тарихий алоқалари, маданий ва маънавий муштараклиги асосига қурилган. Мамлакатларимиз ўртасида савдо, иқтисодий, сармоя, транспорт коммуникациялари, туризм ва маданият соҳаларидаги ҳамкорлик изчил ривожланмоқда.

Мамлакатларимиз сайёҳлик соҳасида улкан имкониятларга эга. Ўмонда юртимизнинг тарихий шаҳарлари, муқаддас қадамжоларини зиёрат қилишга қизиқиш катта. Ўмон санъаткорлари Самарқандда ўтадиган «Шарқ тароналари» халқаро мусиқа фестивалида мунтазам қатнашиб келмоқда.

(Давоми 3-бетда)



МАМЛАКАТИМИЗДА

● Самарқандда «Ягонасан, муқаддас Ватаним, севги ва садоқатим сенга бахшида, гўзал Ўзбекистоним!» шиори остида ёшлар фестивали ўтказилди.

● Бир гуруҳ қувасойлик ёш оилаларга янги уйларнинг қалитлари топширилди. Замонавий лойиҳалар асосида барпо этилган кўпқаватли бу уйларда барча шароит ва қулайликлар яратилган. Қувасой шаҳрида ташкил этилаётган «Қамолот» шаҳарчасининг 48 хонадонга мўлжалланган дастлабки турар жой биносини фойдаланишга топшириш маросимида давлатимиз раҳбарининг 2014 йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги Қарори бу борадаги ишлар самарадорлигини оширишда муҳим омил бўлаётгани алоҳида таъкидланди.

● Жиззах вилояти Зарбдор тумани болалар ва ўсмирлар спорт мактаби капитал реконструкция қилиниб, фойдаланишга топширилди. 1 миллиард 562 миллион сўм маблағ сарфланган муассасада спортнинг бир неча тури билан мунтазам шугулланиш учун барча шароитлар яратилган.

● «Соғлом бола йили» Давлат дастури ижроси юзасидан ташкил этилган Музейлар ҳафталиги доирасида Алишер Навоий номидаги Самарқанд давлат университетида илмий-амалий музей-лаборатория очилди.

● Фаргона вилояти Фурқат тумани кўп тармоқли марказий поликлиникасининг янги биноси фойдаланишга топширилди. Сўнгги русумдаги тиббий ускуналар билан жиҳозланган поликлиника ҳудуддаги 110 минг аҳолига малакали тиббий хизмат кўрсатади. «Соғлом бола йили» Давлат дастури ижроси доирасида барпо этилган муассасада 15 нафар малакали шифокор ва 30 дан ортиқ ҳамшира меҳнат қилмоқда.

ЖАҲОНДА

● Ҳиндистон ва Покистонда сув тошқинлари давом этмоқда. Сўнгги маълумотларга кўра, табиий офат оқибатида ҳалок бўлганлар сони 400 кишига етган, 700 дан ортиқ одам турли даражада жароҳатланган, минглаб аҳоли бошпанасиз қолган. Курбонларнинг катта қисми Ҳиндистоннинг Панжоб штати ва Кашмирнинг Покистон қисмига тўғри келмоқда.

● Янги iPhone'нинг савдога чиқарилишига ҳали бир ҳафтадан ортиқ вақт бўлсада, Нью-Йорк шаҳрида унга улкан навбат юзага келди. Кўпчилик навбатда турганларнинг Apple офисида кунига йигирма тўрт соатдан бўлишлари боис улар ўзлари билан сайёҳлик палаткаларини ҳам олганлар. Янги уяли телефон Нью-Йоркдаги дўкон пештахталарида 19 сентябрь куни пайдо бўлади.

● Камчаткада уйғонган вулконнинг кули уч ярим километр баландликка отилмоқда.

● Либерияда Эбола безгагидан даволанаётган икки нафар бемор учун муолажалар муваффақиятли якунланган. Уларга ZMapp деб номланган синновдаги дори воситаси тайинланганди. Шу пайтгача давосиз ҳисобланган хасталикни енга олган ушбу беморларни мамлакат президенти ҳам табриклаган.

ҚИСҚА САТРЛАРДА

Тошкент шаҳар ҳокимлигининг Ахборот хизмати ва ўз муҳбирларимиз хабарларидан.

✓ **БУГУН** «Ўзэкспомарказ» миллий кўргазмалар мажмуасида тўқимачилик ускуналари ва технологиялари – САИМЕ ҳамда

тўқимачилик саноатининг халқаро кўргазмаси – Textile Expo Uzbekistan халқаро кўргазмалари ўз ишини бошлади.

✓ **КЕЧА** «Туркистон» саройида Тошкент Тиббиёт академияси ҳамда Тошкент Дав-

лат стоматология институтининг биринчи курсга қабул қилинган талабаларининг «Талабаликка бағишлов – 2014» номи тантанали қасамёди бўлиб ўтди.

✓ **КЕЧА** «Болажон» номи

маданият ва истироҳат боғида ўқувчилар ўртасида «Мустақиллик мадҳи болалар ижодида» шиори остида расмлар танлови ҳамда расмлар кўргазмаси ташкил этилди.

Мамлакатимизда мустақиллик йилларида эришилган ютуқлардан бири – миллий сайлов тизимининг шаклланишидир. Демократиянинг муҳим кўзгуси бўлган бу соҳа умумэтироф этилган халқаро принципларга мос ҳолда янада ривожланиб бормоқда.

Эркин сайловлар орқали фуқаролар ўзи муносиб деб билган шахсларни давлат ҳокимияти вакиллик ва фуқароларнинг ўзини ўзи бошқариш органларига сайлайди. Демак, фуқароларнинг давлат органлари ва фуқароларнинг ўзини ўзи бошқариш тизимларини демократик тарзда ташкил этишдаги иштироки шу жараёнда яққол намойён бўлади.

Бу борада зарур ташкилий-ҳуқуқий кафолатлар тизими яратилган. Асосий Қонунимизнинг 32-моддасида эътироф этилган, Ўзбекистон Республикасининг фуқаролари жамият ва давлат ишларини бошқаришда бевосита ҳамда ўз вакиллари орқали иштирок этиш ҳуқуқига эгадирлар. Бундай иштирок этиш ўзини ўзи бошқариш, референдумлар ўтказиш ва давлат органларини демократик тарзда ташкил этиш, шунингдек, давлат органларининг фаолияти устидан жамоатчилик назоратини ривожлантириш ва тақомиллаштириш йўли билан амалга оширилади.

Мазкур конституциявий қоидалар, ўз навбатида, фуқаролар сайлов ҳуқуқларининг кафолатлари, референдум ва сайлов ўтказишга оид қонунларда ўз ифодасини топти. Жумладан, Ўзбекистон Республикасининг 2013 йил 22 апрелда янги тахрирда қабул қилинган «Фуқароларнинг ўзини ўзи бошқариш органлари тўғрисида»ги қонунида айнан сайлов жараёнларида фуқаролар ўзини ўзи бошқариш органларининг муайян ваколатлари мустақамланган.

Қонуннинг 11-моддасида маҳалла фуқаролар йиғинининг Ўзбекистон Республикаси Президенти сайлови бўйича, Ўзбекистон Республикаси Олий Мажлисининг Қонунчилик палатасига, халқ депутатлари вилоят, туман ва шаҳар Кенгашиларига сайлов бўйича ушбу сайлов комиссияларининг аъзоллигига номзодларни тегишли округ сайлов комиссияларига, шунингдек, референдум ўтказиш бўйича ушбу сайлов комиссияларининг аъзоллигига номзодларни референдум ўтказиш бўйича тегишли округ комиссияларига тақдим этиши мустақамланган. Шунингдек, мазкур орган халқ депутатлари туман, шаҳар Кенгаши депутат

лигига номзод кўрсатиш тўғрисида қарор қабул қилади.

Қонуннинг фуқаролар йиғини кенгашининг ваколатлари акс этган 13-моддасида депутатларга уларнинг сайловчилар билан учрашувларини уюштиришда, фуқароларни қабул қилишда, улар ўз сайлов округларида бошқа ваколатларини амалга оширишда кўмаклашиш белгилаб қўйилган.

Фуқароларнинг ўзини ўзи бошқариш органларининг бу каби ваколатлари бошқа қонунларда ҳам ўз ифодасини топти. Ўзбекистон Республикасининг янги тахрир-

доир барча тадбирларда, шунингдек, сайлов кун овоз бериш хоналарида ва овозларни санаб чиқишда депутатликка номзодлар кўрсатган фуқароларнинг ўзини ўзи бошқариш органларидан биттадан кузатуви қатнашиш ҳуқуқига эга.

Халқ депутатлари туман, шаҳар Кенгашига сайлов ўтказувчи туман, шаҳар ва округ сайлов комиссияларининг аъзолари, шунингдек, ушбу сайлов комиссияларининг аъзолари фуқароларнинг ўзини ўзи бошқариш органлари тавсиясига биноан тасдиқланади. Депутатликка номзодлар

МАҲАЛЛА ИНСТИТУТИНИНГ САЙЛОВЛАРДАГИ ИШТИРОКИ

даги «Ўзбекистон Республикаси Олий Мажлисига сайлов тўғрисида»ги қонунида сайловчилар билан учрашувлар ўтказиш орқали сайловдони ташвиқотини олиб боришнинг тартиби белгиланган. Аниқроқ айтганда, давлат ва ҳўжалик бошқаруви органлари, маҳаллий давлат ҳокимияти органлари, жамоат бирлашмалари, шунингдек, фуқароларнинг ўзини ўзи бошқариш органлари депутатликка номзодларга, сиёсий партияларга сайловчилар билан учрашувлар ўтказиш учун жиҳозланган хоналарни бепул ажратиши, зарур маълумот ва ахборот материалларини олишда ёрдам кўрсатиши шарт.

Ўзбекистон Республикасининг «Халқ депутатлари вилоят, туман ва шаҳар Кенгашиларига сайлов тўғрисида»ги қонунининг бир қатор моддаларида ҳам фуқаролар ўзини ўзи бошқариш органларининг сайлов жараёнларидаги иштирокига оид муносабатлар тартибга солинган. Жумладан, сайловга тайёргарлик кўриш ва уни ўтказишга

кўрсатган фуқароларнинг ўзини ўзи бошқариш органлари, депутатликка номзодлар, кузатувчилар ва сайловчилар сайлов комиссияларининг қарорлари устидан юқори сайлов комиссиясига ёки судга қарор қабул қилинганидан кейин ўн кун ичида шикоят билан мурожаат этишлари мумкин. Фуқароларнинг ўзини ўзи бошқариш органлари ҳам халқ депутатлари туман, шаҳар Кенгаши депутатликка номзодлар кўрсатиш ҳуқуқига эга. Фуқароларнинг ўзини ўзи бошқариш органларининг раҳбари депутатликка номзодларни рўйхатга олишни илтимос қилиб тегишли вилоят, туман, шаҳар сайлов комиссиясига ариза билан мурожаат этади.

Халқ депутатлари вилоят Кенгаши депутатликка номзодлар сиёсий партияларнинг вилоят органлари томонидан кўрсатилса, туман ва шаҳар Кенгаши депутатликка номзодлар сиёсий партияларнинг тегишли туман, шаҳар органлари томонидан ҳамда фуқаролар йиғинларида (вакил-

лари йиғилишларида) кўрсатилади.

Сиёсий партиялар, фуқароларнинг ўзини ўзи бошқариш органлари тегишли ҳудудда жойлашган ҳар бир сайлов округидан биттадан депутатликка номзод кўрсатишга ваколатли ҳисобланади. Агар тегишли халқ депутатлари туман, шаҳар Кенгашига сайлов ўтказувчи сайлов округи ҳудудида фуқароларнинг икки ва ундан ортиқ ўзини ўзи бошқариш органи жойлашган бўлса, депутатликка номзод фуқаролар вакилларининг йиғилишларида кўрсатилади.

Сиёсий партиялар фақат ўз партияси аъзоларини ёки партиясиэлари депутатликка номзод этиб кўрсатади. Фуқароларнинг ўзини ўзи бошқариш органлари эса шахсларни у ёки бу партияга мансублигидан қатъи назар, депутатликка номзод этиб кўрсатишга ҳақли. Улар томонидан депутатликка номзод этиб фуқаролар орасидан мамлакат ижтимоий-сиёсий ҳаётида, тегишли вилоят, туман, шаҳар иқтисодий ва ривожлантиришда фаол иштирок этаётган, кичик бизнес ва ҳусусий тадбиркорликнинг, фермерлик ҳаракатининг самарадорлигини оширишга кўмаклашаётган шахслар кўрсатилади.

Бу ҳуқуқий асослар мамлакатимизда демократик ислохотларни янада чуқурлаштириш ва фуқаролик жамиятини ривожлантириш жараёнида фуқароларнинг ўзини ўзи бошқариш органларининг давлат ва жамият ҳаётида тугган ўрни ва роли тобора ошиб бораётганини кўрсатади. Энг асосийси, бу маҳалла фуқаролар йиғини жамият ва давлатнинг энг асосий таянч нуқталаридан бирига айланиб бораётганининг яққол исботидир.

Фуқаролар сайлов ҳуқуқлари кафолатларининг таъминлангани мамлакатимиз таррақийини янада жадаллаштириш, фуқароларнинг жамият бошқарувидаги фаоллигини кучайтиришга хизмат қилади. Бу, ўз навбатида, фуқаролар ўзини ўзи бошқариш органлари сайлов жараёнларида ҳам муносиб иштирок этиши лозимлигидан далолат беради.

Зафар РЎЗИЕВ,
Ўзбекистон Республикаси Президенти
хузуридаги Амалдаги
қонун ҳужжатлари
мониторинг институтининг
бош илмий ходими,
юридик фанлари номзоди
(ЎзА)

Лизинг шартномаси бўйича лизинг берувчи (ижарага берувчи) бир тараф лизинг олувчи (ижарага олувчи) иккинчи тарафнинг топшириғига биноан сотувчи учинчи тараф билан ундан лизинг олувчи учун мол-мулк сотиб олиш ҳақида келишиш мажбуриятини олади. Лизинг олувчи эса бунинг учун лизинг берувчига лизинг тўловларини тўлаш мажбуриятини олади. Яъни, лизинг шартномаси содда қилиб айтганда уч тарафлама келишув маъносини англатади.

ЛИЗИНГ ШАРТНОМАСИНИНГ МАЗМУН-МОҲИЯТИ

Истеъмол қилинмайдиган, тадбиркорлик фаолияти учун фойдаланиладиган ҳар қандай ашёлар лизинг объекти бўлиши мумкин. Ер участкалари ва бошқа табиат объектилари бундан мустасно.

Келажақда лизинг олувчига лизинг бўйича топшириш мақсадида мол-мулкни ўзига мулк қилиб олувчи шахс лизинг берувчи деб тан олинади.

Эгалик қилиш ва фойдаланиш учун лизинг объектини оладиган шахс лизинг олувчи деб ҳисобланади. Лизинг берувчи объектини қимдан олаётган бўлса, шу шахс сотувчи деб эътироф этилади.

Лизинг берувчи мол-мулкни бўлажақ фойдаланувчидан сотиб олган тақдирда ёхуд лизинг берувчи келажақда мол-мулкни сотувчига лизинг бўйича топшириш учун ундан шу мол-мулкни сотиб олиш мақсадида уни маблағ билан таъминлаган тақдирда бир шахснинг ўзи ҳам лизинг олувчи, ҳам сотувчи бўлишига йўл қўйилади.

Лизинг берувчи лизинг объектини лизинг олувчига шартнома шартларига жавоб берадиган ҳолатда ва унда келишилган муддатда топшириши шарт.

Агар лизинг берувчининг айбли ҳаракатлари ёки йўл қўйган қамчиликлари тўғрисида мол-мулк етказиб берилмаган, тўлиқ етказиб берилмаган, муддати кечиктириб етказиб берилган ёки тегишли даражада сифатли бўлмаган мол-мулк етказиб берилган бўлса, бунинг учун у лизинг олувчи олдида жавобгардир.

Лизинг шартномаси муддатидан олдин бекор қилинган тақдирда лизинг олувчи илгари бўнак сифатида тўлаган пулларини, лизинг объектидан фойдаланишдан олган фойданинг қийматини чегириб ташлаб, ўзига қайтариб беришни талаб қилишга ҳақли бўлади.

Агар лизинг шартномасида бошқача тартиб белгиланган бўлмаса, лизинг олувчи лизинг тўловларини ўз вақтида тўлаши, мол-мулкдан уни етказиб бериш шартларига мувофиқ фойдаланиши, уни соз ҳолда сақлаши, ўз ҳисобидан жорий таъмирлаш ишларини бажариши, сақлаш бўйича бошқа харажатларни амалга ошириши шарт.

Лизинг шартномаси бекор қилинганида лизинг олувчи мол-мулкни лизинг берувчидан олган ҳолатида унинг нормал эскиришини ва тарафларнинг келишувидида шартлашилган ўзгаришларни ҳисобга олиб, қайтариб беришга мажбур.

Лизинг олувчи ўз мажбуриятларини жиддий равишда бузган тақдирда, агар лизинг шартномасида бошқача тартиб назарда тутилган бўлмаса, лизинг берувчи бўлажақ лизинг тўловларини тельаштиришни ёки лизинг объектини қайтариб олган ва зарарини ундириган ҳолда шартномани бекор қилишни талаб қилиш ҳуқуқига эга.

Икромжон ИСМАИЛОВ,
Алишер ХИДИРОВ,
Юнусобод туманидаги ДНИ нотариуслари

«Ватанпарвар»

ЁШЛАРНИ ВАТАНПАРВАРЛИК РУҲИДА ТАРБИЯЛАШ ЙЎЛИДА

Ўзбекистон Мудофаасига кўмаклашувчи «Ватанпарвар» ташкилоти Тошкент шаҳар Кенгаши тасарруфидидаги «Ҳамза Ҳуқуқ СТК» унитар корхонасида «Ягонасан, муқаддас Ватаним, севги ва садоқатим сенга бахшида, гўзал Ўзбекистоним!» шиори остида тадбир ўтказилди.

Тадбирда сўзга чиққан Ўзбекистон Мудофаасига кўмаклашувчи «Ватанпарвар» ташкилоти Марказий Кенгаш раиси ўринбосари Маҳмуд Умаров, Ўзбекистон Мудофаасига кўмаклашувчи «Ватанпарвар» ташкилоти Тошкент шаҳар Кенгаши раиси Ғайрат Алиходжаев ва бошқалар мамлакатимизда ўтган 23 йил давомида қўлга киритилган ютуқлар, Қуролли Кучларда амалга оширилаётган кенг қўламли ислохотлар ҳусусида алоҳида тўхталишди.

– Мазкур тадбирни ўтказишдан кўзланган асосий мақсад қақирқача бўлган ёшлар билан маънавий-ахлоқий ва ватанпарварлик тарбиясини тақомиллаштиришни

кучайтириш ва мамлакатимизда тинчлик ва барқарорликни мустақамлашдан иборат, – дейди Ўзбекистон Мудофаасига кўмаклашувчи «Ватанпарвар» ташкилоти «Ҳамза Ҳуқуқ СТК» унитар корхонасининг Маънавият, ташкилий-оммавий ишлар ва ҳарбий ватанпарварлик тарғиботи бўйича бошлиқ ўринбосари Нилуфар Базарова. – Шу билан бирга ҳуқуқий демократик давлат ва эркин фуқаролик жамияти асосларини барпо этиш ва ёш авлод қалби ҳамда онгига бебаҳо неъмат бўлмиш мустақилликнинг беқиёс аҳамияти, она Ватанга муҳаббат ва садоқат туйғусини янада чуқурроқ сингдиришдир.

Бугунги кунда иқтисодий тизим ривожидидаги асосий улуш кичик бизнес ва ҳусусий тадбиркорлик субъектлари ҳиссасига тўғри келмоқда. Иш билан банд аҳолининг оқсариат қисми ҳам ушбу соҳада фаоллиги олиб бораётди. Шу боис, давлатимиз томонидан тадбиркорликнинг ушбу йўналишларини ривожлантириш, ишбилармонлар учун қулай бизнес муҳитини яратиш ва уларни қўллаб-қувватлашга алоҳида эътибор қаратилмоқда.

ЯНГИ ТЕХНОЛОГИЯЛАР – СИФАТ ВА САМАРАДОРЛИК ОМИЛИ

Бектемир туманидаги «Gold Dried Fruits» масъулияти чекланган жамияти ҳам шундай қулай шароитлардан оқилона фойдаланиб иш олиб бораётган корхоналардан биридир. 2013 йилнинг май ойида иш бошлаган жамиятда бугунги кунда полиз экинлари қайта ишланмоқда.

– Корхонамизда асосан полиз экинларидан ярим тайёр маҳсулотлар ишлаб чиқарилади, – дейди «Gold Dried Fruits» масъулияти чекланган жамияти бош технологи Эркин Вахобов. – Полиз маҳсулотлари ва қўжатларни шартнома асосида фермер ҳўжаликларидан оламиз, шунингдек, улар корхонамизга тегишли бўлган майдонда ҳам еттиштирилади. Цехимизда Германия, Туркия, Россия ва Хитойдан келтирилган технологиялар ўрнатилган бўлиб, уларда сабзи, лавлаги, пивё, қарам, укроп ва бошқа турдаги полиз экинлари ҳамда қўжатлар тозаланади, ювилади, майдаланади ва қурилади. Бир кунда 120 тонна маҳсулотни қайта ишлаб чиқармоқда. Маҳсулотларимиз шу ернинг ўзида қадокланади ҳамда



озик-овқат ишлаб чиқарувчиларга етказилади. Асосий қисми Европа давлатлари, АҚШга экспорт қилинади. Бу билан корхонамиз туман экспорт салоҳиятининг ошишига қатта ҳисса қўшмоқда.

«Gold Dried Fruits» масъулияти чекланган жамиятда бугунги кунда 100 киши меҳнат қилмоқда. Уларнинг кўпчилигини ёшлар ташкил этади. Ходимлар ўз ишини яхши билишлари ва унга чин дилдан ёндашади. Ишчилар учун ҳамма қулайликлар яратилган. Барчаси махсус қийим ва тушлик овқат билан таъминланган. Қамол Нуралиева, Абдор Ҳабибуллаев, Улмасой Султонова каби ишчи-ҳодимлар корхонанинг тажрибали мутахассисларидан саналади. Улар янги ишга келган ёшларга ўз тажрибаларини ўргатиб келмоқдалар.

Корхонада бугунги кунда ишлаб чиқариш қўламини 20 фоизга ошириш ва янги иш ўринларини яратиш режалаштирилган. Бу ишларда жамият жамоасига муваффақият тилаймиш.

Абдуалим САЛИМОВ

ЖАҲОН БОЗОРИГА ЧИҚИШНИНГ МУҲИМ ОМИЛИ

(Давоми. Боши 1-бетда)

«Сифат» маркази 10 йилдан зиёд вақт мобайнида ўтказётган НВИ тизимларидаги синовларни аниқлик даражасини баҳолаш мақсадида Германиянинг Бремени пахта уюшмаси ҳамда Америкадаги Халқаро пахта бўйича маслаҳат кўмитаси билан биргаликда юздан ортиқ мамлакат иштирокидаги Халқаро инструментал солиштирув тест синовларида мунтазам иштирок этиб келаётгани ҳам эътиборга лойиқ. Негаки, бу жараёнда ўзбек пахтаси сифатини баҳолашда жаҳон бозорида қабул қилинган стандартларга тўлиқ риоя қилиниши таъминланмоқда.

Пахта толасининг синовлари, унинг тўлов тизими, нав таркибини яхшилаш ва пахта тозалаш саноатининг самарадорлигини оширишга оид ислохотлар ўзбек пахтасининг истеъмол талаблари юқори бўлишига замин яратмоқда. «Сифат» маркази ўз иш фаолияти давомида толаннинг сифатини баҳолаш мезонлари ва усулларини доимий тақомиллаштириб, қайта ишлаш корхоналарида ишлаб чиқарилаётган тола сифатини ошириш тадбирларини қўллаш ҳамда ташқи савдо компанияларининг иш юритиш услубларини жорий этиш тўғрисида мамлакатимиз иқтисодий ривожига салмоқли ҳисса қўшмоқда. Шубҳасиз, бунда халқаро пахта ярмаркаси муҳим бозор механизми вазиасини ўтамоқда. Пироваддида у ўзбек пахтасини экспорт қилиш бораида мамлакатимиз ва ҳамкорларнинг узоқ муддатли манфаатларига мос келадиган янги, самарали воситаларни ривожлантиришга, истиқболда янада ишончли, барқарор иқтисодий муносабатлар ўрнатиш учун мустаҳкам асос яратишга хизмат қилмоқда.

Марказ Халқаро пахта уюшмаси (Буюк Британия), Бремени пахта уюшмаси (Германия), Гдине пахта уюшмаси (Польша), Пахта бўйича халқаро маслаҳат кўмитаси каби ташкилотлар билан фаол ҳамкорлик қилиб келмоқда. 2009 йилда «Сифат» маркази «Пахта бўйича халқаро маслаҳат кўмитасининг Пахтадан стандартлаш ва инструментал синаш комиссиясининг (CSITC) Марказий Осиё бўйича ҳудудий техник маркази» мақомини олди.

Сўнгги йилларда олимларимиз яратган бир қатор эртапишар, серхосил, тола чиқиши юқори бўлган янги навлар давлат реестрига киритилди. Ҳозир фермерларимиз селекцияерлар тақлиф этаётган навлар орасидан бозорда талаб юқори бўлганларини танлаб олиш имкониятига эга. Жаҳон андозаларига жавоб берадиган «Бухоро-6», «С-6524», «Ан-Боев-2», «Наманган-77», «Бухоро-8», «Оқдарё-6», «Меҳнат», «Омад», «Хоразм-127» каби юртимизнинг тулрок-иклим шароитига мос селекция навлари дунё миқёсида жуда хари-доргир.

Селекцияерларимизнинг истеъмолчиларга маъқул келадиган навларни яратиши, ҳудудларга мос навлар экишни қатъий назорат қилиш, фермерларга амалий ёрдам кўрсатиш, пахта тозалаш саноатини модернизация қилиш, шунингдек, толали таснифлашнинг замонавий тизими унинг юқори сифатини кафолатлаб, юксак даражада рақобатбардошлигини таъминламоқда.

Сайёра ШОЕВА,
ЎзА мухбири

2014 йил – Соғлом бола йили

ЭНГ ЯХШИ ЁШ СИЁСАТЧИЛАР АНИҚЛАНДИ

Пойтахтимизда Ўзбекистон Халқ демократик партияси Марказий Кенгаши ва «Истиқбол» ёшлар қаноти томонидан ташкил этилган «Ёш сиёсатчи – 2014» республика кўрик-танловининг якуний босқичи бўлиб ўтди.

Тадбирда Ўзбекистон Республикаси Олий Мажлиси Қонунчилик палатаси депутатлари, Зулфия номидидаги Давлат мукофоти совриндорлари, шунингдек, мамлакатимизнинг барча ҳудудларидан фаол ёшлар иштирок этди.

Ўзбекистон Халқ демократик партияси Марказий Кенгаши раиси Х. Кетмонов ва бошқалар Президентимиз раҳнамолигида Ватанимиз келажагининг хал қилувчи кучи бўлган ёшлар ҳар томонлама қўллаб-қувватланаётганини таъкидлади. Бунинг самарасида ёшлар иштирокида ва мақсадларини ҳаётга татбиқ этиб, социал-иқтисодий, ижтимоий-сиёсий жараёнларнинг фаол иштирокчисига айланиб бормоқда.

Ўзбекистон Халқ демократик партияси «Истиқбол» ёшлар қаноти навқирон авлоди Ватанга муҳаббат, истиқлол гоёларига садоқат руҳида тарбиялаш, уларда эл-юрт тақдирига дахлдорлик туйғусини кучайтириш, ёшларнинг ҳуқуқий ва сиёсий билими, ижтимоий фаоллигини оширишга ўз ҳиссасини қўшиб келмоқда. Ёшлар томонидан тенгдошларининг қобилиятини аниқлаш ва юзага чиқаришга йўналирилган қўллаб-қувватлаш ҳамда тадбирлар амалга оширилмоқда. «Ёш сиёсатчи» кўрик-танлови шулар жумласидандир.

Кўрик-танлов иштирокчилари ўзлари истикмом қилаётган ҳудудини янада ижтимоий-иқтисодий ривожлантириш, янги иш ўринлари ташкил этиш ҳамда Ўзбекистон Халқ демократик партиясининг дастурий мақсадларига жавоб берадиган бошқа йўналишлар бўйича муайян лойиҳа ва тақлифларини илгари сурди. Шунингдек, ижтимоий-сиёсий, ҳуқуқий, ижтимоий соҳаларга оид билими, нотиклик маҳорати, ижодий фикрлаш қобилияти, ташаббускорлигини намойиш этади. Бу ёшларга мамлакатимизни ижтимоий-иқтисодий ривожлантиришга ўз ҳиссасини қўшиб имконини бермоқда. Масалан, 2013 йилда кўрик-танловда тақдим этилган лойиҳалар самарасида 580 дан ортиқ янги иш ўрни ташкил этилди. Жорий йилда эса лойиҳаларни амалга ошириш асосида қарийб 880 иш ўрни ташкил этиш режалаштирилмоқда.

Жорий йилда кўрик-танлов «Мен Ватаним равнақиға ҳисса қўшмоқчиман!» шиори остида ўтказилди. Унинг ҳудудий босқичларида 14 мингдан ортиқ ўғил-қиз иштирок этиб, улардан 15 нафари якуний босқичда қатнашиш учун саралаб олинди. Кўрик-танлов якуний босқичининг уч қўнлик дастури давомида улар нафақат тажриба алмашиш, ташаббус ва гоёларни муҳома қилиш имкониятига эга бўлди, балки Ўзбекистон Республикаси Олий Мажлиси Қонунчилик палатаси ва Сенати фаолияти билан ҳам ақиндан танишди.

– Тақдим этган лойиҳада ижтимоий-иқтисодий қарашларим акс этган, – дейди иштирокчи Бехзод Солиҳов. – Лойиҳада ишлатилган автомобиль шиналаридан болалар спорт майдонларининг безак қисми ва йўл брусчаткалари сифатида фойдаланиш назарда тутилган.

«Ёш сиёсатчи – 2014» республика кўрик-танловининг якуний босқичи натижаларига қўра, Термиз давлат университетининг тарих факультети талабаси Сардор Азимов биринчи, Бухоро иқтисодий коллежи ўқувчиси Зуфархон Музаффаров иккинчи, Тошкент Давлат аграр университети талабаси Нуридун Рамазонов учинчи ўринни эгаллади. Шунингдек, турли номинациялар бўйича ҳам ғолиблар аниқланди.

Мухаммад ҚАРШИБОВ,
ЎзА мухбири

Ўзбекистон Алоқа тарихи музейида Алоқа, ахборотлаштириш ва телекоммуникация технологиялари давлат қўмитаси томонидан «ZiyoNET» миллий жамоат таълим ахборот тармоғи электрон кутубхонасини ривожлантиришга бағишланган матбуот анжумани ўтказилди дея хабар беради ЎЗА.

«ZiyoNET» КУТУБХОНАСИ ИМКОНиятларини КЕНГАЙТИРМОҚДА

Замонавий технологиялар шиддат билан ривожланиб бораётган асримизда мамлакатимиз ахборот-кутубхона муассасалари замон билан ҳамнафас бўлишга ҳаракат қилмоқда, ўз ресурсларининг электрон талқинларини кенгайтирмоқда. Ўқув муассасалари, турли ташкилотлар сайтларида, алоҳида порталларда мустақил электрон кутубхоналар пайдо бўлмоқда. «ZiyoNET» миллий жамоат таълим ахборот тармоғи шундай ихтисослаштирилган ресурслардан биридир. Унинг фондида 55 мингдан зиёд турли электрон адабиётлар мавжуд.

Тадбирда Ўзбекистон Республикаси Алоқа, ахборотлаштириш ва телекоммуникация технологиялари давлат қўмитаси раиси ўринбосари А. Файзуллаев, «ZiyoNET» тармоғи ресурс маркази бошлиғи Т. Мирзақуллов ва бошқалар порталнинг кутубхона базасини бойитиш, фойдаланувчиларга хизмат кўрсатишни такомиллаштириш борасида амалга оширилаётган ишлар, истиқболдаги режалар ҳақида сўз юритди.

ZiyoNET электрон кутубхонасида турли электрон материаллар ўзбек, рус, қорақалпоқ, қozoқ, тожик, инглиз ва бошқа тилларда тақдим этилгани таъкидланди. Булар дарслик, ўқув ва методик қўлланмалар, реферат, тақдимот, луғат, бакалаврларнинг битирув ишлари ва бошқалардан иборат. Ўзбекистон Республикаси Фанлар академияси ходимлари кутубхона фондиди бойитишга муносиб ҳисса қўшмоқда. Улар томонидан илмий журналлар, бюллетенлар ва номзодлик ҳамда докторлик диссертацияларининг 2000 дан ортиқ авторефератлари электрон кутубхонага жойлаштирилмоқда.

Кутубхонага ёшларни кўпроқ жалб этиш, улар учун замонавий ва амалий ресурслар яратиш мақсадида жорий йилнинг май ойида ZiyoNET портали тубдан модернизация қилинди. Электрон кутубхонада ҳам ўзгаришлар юз берди. Жумладан, олий ўқув юртли ва бошқа илмий-таълим муассасаларининг шахсий кабинетлари ташкил этилди. Шахсий кабинет ёрдамида таълим муассасалари барча материалларни муаллиф-

лик ҳуқуқларига риоя қилган ҳолда жойлаштириши мумкин. Шунингдек, материалларни мавзуси ва тили бўйича қидириш имконияти ҳам яратилди. Ўзгаришлар жойлаштирилаётган материалларнинг шаклига ҳам таъсир кўрсатди. Жумладан, материални архивланган ҳолда жойлаштириш ўрнига doc, va pdf, шаклида киритиш имконияти юзга келди.

Президентимизнинг 2012 йил 10 декабрда қабул қилинган «Чет тилларни ўрганиш тизимини янада такомиллаштириш чора-тадбирлари тўғрисида»ги Қарорига мувофиқ ташкил этилган «Чет тиллар» бўлимига алоҳида эътибор қаратиш лозим. Бу ерда болалар, ўқитувчилар, ўқувчи ва талабалар учун қулай ҳаволалар мавжуд. Ушбу ҳаволалар ёрдамида сермазмун материаллар, кенг турдаги дастурлар, жумладан, ўқитиш жараёнини сезиларли енгиллаштирадиган ўйинлар очилади. Бўлимда чет тилларни ўрганишга қўмаклашадиган 500 дан ортиқ дарслик, ўқув қўлланмалар ва маълумотлар тўпланди.

Мутахассисларнинг таъкидлашича, ZiyoNET кутубхонасида умумтаълим мактаблари дарсликларини умумий фойдаланиш ҳамда ахборот материалларини он-лайн режимида ўқиш имкониятини яратиш режалаштирилмоқда. Бундан ташқари, ZiyoNET кутубхонасини бошқа электрон кутубхоналарга интеграциялаш кўзда тутилаётган. Бу материаллар сонини анча кенгайтириш имконияти беради. Кутубхонадан фойдаланишни соддалаштириш мақсадида барча ресурсларни фойдаланувчилар гуруҳига қараб тақсимлаш режалаштирилмоқда.

Бугунги кунда ZiyoNET кутубхонаси фондиди янада бойитиш ишлари давом эттирилмоқда. Матбуот анжумани ташкилотчилари таъкидлашганидек, яқин вақтларда бу ерда бадиий адабиётлар ҳам жойлаштирилади. Бу ёшларнинг кутубхонага қизиқишини ошириш, фойдаланувчиларнинг маънавий ва интеллектуал салоҳиятини юксалтиришга хизмат қилади.

Сардор ТОЖИЕВ



УЗОҚ ЎМОН БИЛАН ЯҚИН ҲАМКОРЛИК

(Давоми. Боши 1-бетда)

Пойтахтимизда очилган ушбу кўргазма мамлакатларимиз ўртасидаги маданий ҳамкорликнинг яна бир ифодаси бўлди. Унда ўмоннинг бугунги куни ва тарихига бағишланган санъат ва фото асарлари, халқ амалий санъати намуналари, тарихий ҳужжатлар, миллий либослар, заргарлик буюмлари намойиш этилмоқда. Кўргазмага ташриф буюрганлар ўмон халқининг турмуш тарзи, урф-одатлари, адабиёт ва санъати, муסיқаси, маданиятнинг бошқа соҳалари билан яқиндан танишиш имконига эга бўлиши мумкин.

Ўзаро дипломатик муносабатлар ўрнатилганидан кейин ҳамкорлик алоқаларимиз барча соҳаларда жадал тараққий этмоқда, — деди ўмон Султонлигининг мамлакатимиздаги Фавкуллода ва мухтор элчиси Мухаммад бин Саид бин Мухаммад ал-Лаватий. — Президент Ислам Каримовнинг 2009 йилнинг октябры ойида ўмон Султонлигига давлат ташрифи мамлакатларимиз ўртасидаги ўзаро алоқаларни янги босқичга олиб чиққани, ҳамкорлик қўламини янада кенгайтиришга асос бўлганини алоҳида таъкидлашни истардим. Ташриф чоғида эришилган келишувлар ва имзоланган ҳужжатлар ўзаро ҳамкорлик ривожига юқори суръат бахш этди. Мазкур кўргазмадан мақсад ўзбекистонликларни ўмон тарихи ва халқининг маданияти билан яқиндан таништиришдир. Бу мамлакатларимиз ўртасидаги ҳамкорликни янада мустаҳкамлашга хизмат қилади.

Кўргазмадан ўрин олган асарлар, тарихий ҳужжатлар, қадимги танга ва хариталар, ёрқин рангларда акс эттирилган композициялар, ўмонлик санъаткорларнинг миллий куй-қўшиқлари ва рақслари санъат илосмандларини бефарқ қолдирмайди. Бу ерда томошабинлар ўмонлик олим ва мутахассислар томонидан миллий меросни асраш, тарихий ҳужжатларни тиклаш ва ўрганиш борасида олиб борилаётган ишлар билан ҳам танишиши мумкин.

Мазкур кўргазма доирасида мамлакатимизнинг қатор университетлари талабалари ўртасида «Сиз ўмонни биласизми?» викторинаси ўтказилади. Ҳолиблар ўмонга саёхат қилиш имконини қўлга киритади.

Нодира МАНЗУРОВА,
ЎЗА мухбири
С. Ўрмонов (ЎЗА) олган сурат

Болажонлар тили чиққан пайтидан бошлаб, то вояга етиб ақлини танигунга қадар биз катталарни саволларга кўмиб ташлайди. Аслида биз катталар ҳам абадиятга қадар ўз-ўзимизга савол беришдан тўхтамаймиз. Қандай яшасам тўғри бўлади, нима қилсам ҳаёт йўлларидан сирғанмайман, дўст ва душманам олдида бошим эгилмайди, муҳаббат нима, бахт-чи каби саволларга жавоб излаш учун йўл кўрсатувчи маслаҳатдош излайди. Ана шундай дақиқаларда инсоннинг зимистон йўлларини чарогон айлаб, ёритувчи чироқ бўлиб ота-она ёрдамга келади.

Аслида бу ҳаётда ота-онадан яқинроқ дўст йўқ, айниқса камолга етаётган болажонлар учун. Келинг, ҳаётий бир воқеани келтирайлик, балки бу ҳаммамизни сергакроқ бўлишга чорласа.

Ота ҳар доимгидан озгина кеч, ҳорғин кайфиятда ишдан қайтди. Ўззу-қун югур-югурлар ва ишхонадаги тезкорлик билан қилинадиган ишлар уни бир оз чарчатган эди. Дарвоза олдида эса уни етти ёшли ўғли Исроилжон катта қувонч билан кутиб олди.

— Уре, дадажоним келдилар, ас-салому алайкум дадажон. — Ваалайкум асسالом, ҳалиям ухламадингми, тойчоғим, ахир соат ўндан ошдику. — Йўқ сизни кутдим. Дадажон битта савол берсам майлими?

— Майли ўғлим, берақол, қандай савол бўлдики сен ухламай сабрасизлик билан мени кутиб турибсан. — Дадажон, бир соатда қанча пул топасиз? Кўзларини жовдиратиб сўради Исроилжон болаларча соддадиллик билан. Кутилмаган савол Алибек акани лол қолдирди. У ҳайрон бўлиб ўғлига қаради ва сўнгра босиқлик билан сўради. — Бемаҳалда бундай бўлмагур савол қаердан калланга келди. Қолаверса, бу сенининг ишинг эмас, шу ёшингдан пул топишни ўйлапсанми?

— Дадажон, илтимос айта қолинг, бунни билишим жуда зарур, — дея бола илтижоли тарзда дадасига қаради. Бола кўнгли подшоҳнинг ҳукмидан устун туради, дейишди доноларимиз. Отанинг кўнгли юмшади ва ўғлига қараб, «Бир соатда ўн минг ишлайман, болам», — деди.

— Дадажон, менга олти минг бериб туринг, илтимос. Энди Алибек аканинг росмана жамли чикди, «Бор

кириб ухла, яна қаердаги кераксиз ўйинчоқларни сотиб олишинг учунми, яқинда мактабга чиқсан, йиғиштир ўйинчоқ ўйнашни», — деди жаҳл билан. — Мен машаққат билан меҳнат қиламан, болаларинг эса бекорчиликдан асабимга тегадиган саволларни беришадми, — дея уларнинг суҳбатини индамайгина кузатиб турган хотинига жаҳл қилди. «Бор ёт,

сиқим юз ва икки юз сўмлик майда пулларни чиқарди. Ота ҳайрон бўлиб: «Шунча пулинг бор экану, олти мингни нима қиласан» — дея сўради.

— Дадажон, пулим борлиққа бору сал камроқ эдида, мана тўрт минг, олти минг етмас экан. Энди ўн минг бўлди. Дадажон, тўғриси айтсам, сизнинг бир соат вақтингизни сотиб

2014 йил — Соғлом бола йили

БОЛАНГИЗГА БЕРИНГ БОРЛИҒИНГИЗНИ...

бошқа бундай саволларни беришни ўйлама, чарчадим, дам оламан».

Исроилжон, ҳўп бўлади, деди-ю гуноҳкордек бошчасини ерга эгиб уйга кириб кетди.

Алибек ака ухлагша ҳарчанд уринмасин уйқуси келмади, боласининг жовдираб турган кўзлари кўз ўнгидан кетмади. Ўғлини уришгани учун ўзининг кўнгли бузилди. Қизик унга олти минг нимага керак экан, нега боламни уришдим ўзи, олти минг экану, ухламайгина кутиб турган ўғлимни ранжитдим-а, деган ҳаёллар билан ўрнидан турди ва ўғлининг хонаси эшигини секингина чертди. — Исроилжон, ухламадингми болам? — Йўқ дадажон, уйқоқман. — Ўғлим, сенга сал қаттикроқ гапирдим, баъзан катталар ҳам хато қилиб туради, хафа бўлма, мана сенга олти минг сўм. Ҳўш нима олмоқчи эдинг бу пулга?

Исроилжон дадасининг қўлидаги пулни олмай ёстиғининг тагидан бир

олмоқчиман шу ўн мингга. Шунда уйга эртароқ келасиз, сиз билан сузишга бормоқчиман. Ўғил болалар отаси билан кўпроқ юриши керак экан, шунда ақли бутун бўлар эмиш, бугун теле-визорда эшитдим. Кўпинча кеч қайтасиз, вақтли қайтган кунингиз ҳам қайсидир бир ўртоғингизнинг гапида бўласиз. Дам олиш кунлари ошга кетасиз ёки яна бир нималар, хуллас мен сизнинг кўп эмас, бир соат вақтингизни сотиб олмоқчиман... Майлими, келишдикми дадажон...!

Алибек ака ҳангу манг бўлиб қолди, кўзларига ёш қалқиди. Кўнглини оғрикли бир савол ўртади, болам сенинг дилганагда кемтиклик ҳам бормиди ҳали... Ахир уйда ҳамма шароит етарли бўлса, ёнингда бўла туриб меҳримга зор қилдимми сени, бўталогим, лаблари секингина шивирлади. Мени кечир тойчоғим, албатта борамиз. Сендан ҳаётимни ҳам аямайман, болам...

Сизга мисол тариқасида ҳикоя қилаётган кичкинагина ҳаётий лавҳа тагида аслида катта бир ўйловли савол ётади.

Биз ота-оналар фарзандларимизга етарлича вақт ажратаяпмизми? Тўғри, қорни тўқ, усти бут, уйимизда барча шарт-шароитлар етарли. Лекин уларнинг мурғаккина кўнглига теран қараяпмизми. Жажжигина юракчаларидан кечаётган беғубор саволларига шунчаки бир болаликдаги ўткинчи саволлар деб қараяпмизми?

Асрдошим, замондошим, келинг қалбимиз чироқлари, умримиз мазмуни, ҳаётимиз кўрки бўлган фарзандларимизга ҳар қандай вазият ва шароитда ҳам боримизни бағишлайлик. Бунга вақтнинг йўқлиги ҳам, иш ҳам баҳона бўла олмайди. Истаган имкон топади дейдилар.

Эркакларимиз ошга, гапга, аёлларимиз эса сартарошхона, косметолог ва дугоналар ҳузурига бот-бот чопмасдан уйда кўзлари йўлга тўрт бўлиб кутиб турган боласининг, набирасининг бағрига шошилса болалар тарбиясидаги баъзи бир носоғлом вазиятларнинг олди олинармиди?..

Бировга ақл ўргатиш, йўл кўрсатиш аслида осон, балки бу фикрларим кимларгадир ёқмас, аммо ҳар биримизнинг қалбимизда «болам борлиғим-ку» деган гурур туйғулари мужассам экан, яна бир бор ёш авлоднинг жажжи кўнглиларига қулоқ солиб туриш асосий вазифамиз эканини унутмаслигимиз керак. Зеро, фарзанд умр гулшанини безаб турган нозиккина ифорили гулдир. Уни асраш, авайлаш, турли нигоҳлардан, зарарли иллатлардан муҳофаза қилиш сизу бизнинг асосий вазифамиздир.

**Болам қўлларингга кўзмунчоқ бўлай
Сен учун осмондаги ойимдан кечай.
Икки дунё фароғати кулгичингдадир
Кел бағримга босиб, оромлар олай...**
Гулчеҳра ДУРДИЕВА

РЕКЛАМА ВА ЭЪЛОНЛАР

KAPITALBANK

МАҚСАДЛАРНИ БИРЛАШТИРИБ,
МУВАФАҚИЯТЛАРГА ЭРИШАМИЗ

**Акциядорлик жамиятлари
ва акциядорларнинг
ҳуқуқларини ҳимоя қилиш
тўғрисидаги Ўзбекистон
Республикаси Қонунининг
янги таҳрири тасдиқланиши
муносабати билан,
шунингдек, «Капиталбанк»
ОАТБнинг 2014 йил 27 июлда
бўлиб ўтган йиллик Умумий
йиғилиш қарорига мувофиқ
Сизга банкнинг номи
«Капиталбанк» акциядорлик
тижорат банки қилиб
ўзгартирилганини маълум
қиламиз.**

Банкнинг тўлиқ номи:

Ўзбек тилида:

**Кирилча алифбода: «Капиталбанк»
акциядорлик тижорат банки**

**Латинча алифбода: «Kapitalbank»
aksiyadorlik tijorat banki**

**Рус тилида: Акционерный
коммерческий банк «Капиталбанк»**

**Инглиз тилида: Joint stock
commercial bank «Kapitalbank»**

Банкнинг қисқартирилган номи:

Ўзбек тилида:

**Кирилча алифбода: «Капиталбанк»
АТБ**

**Латинча алифбода: «Kapitalbank»
АТБ**

Рус тилида: АКБ «Капиталбанк»

Инглиз тилида: JSCB «Kapitalbank»

**«Тошкент қишлоқ хўжалик
маҳсулотлари улгуржи бозори»
АЖдаги ижарага бериладиган бўш
жойлар тўғрисида 2014 йил
9 сентябрь ҳолатига маълумот**

Умумий овқатланиш

17-18 ошхона	худудда	147,5 кв.м
19-20 ошхона	худудда	143, 5 кв.м
3-корпус, 1-қават	худудда	97 кв.м
3-корпус, 2-қават	худудда	152 кв.м
омборхона		216 кв.м

Бошқа турдаги

3-корпус, 2-қават	худудда	216 кв.м
1-корпус, 2-қават	худудда	48 кв.м
4-корпус, 1-қават		18 кв.м
4-корпус, 2-қават		37,3 кв.м
4-корпус, 2-қават		13,1 кв.м
4-корпус, 2-қават		
8 та хона, ҳар бири		72 кв.м
18 кв.м		
56-58-59-60 бокс омбор	худудда	144 кв.м дан
90-сонли бокс	худудда	57,3 кв.м
ошхона	2-бино	
	1 қават	100, 5 кв.м
Жами		

**«Тошкент қишлоқ хўжалик
маҳсулотлари улгуржи бозори»
ОАЖ Тошкент шаҳри, Бектемир
тумани, Автомобиль ҳалқа йўли.
Тел: 295-98-04, 295-96-52.**



Республика олимпия захиралари теннис мактаби кортларида ўтаётган «Тошкент опен – 2014» халқаро турнирининг биринчи давра бахслари қизиқарли учрашувларга бой ўтди.

Тошкент опен – 2014

НИГИНАНИНГ ИШОНЧЛИ ҒАЛАБАСИ

Мамлакатимиз шарафини ҳимоя қилаётган теннисчимиз Нигина Абдураимова турнирда тўртинчи ракам остида сараланган испаниялик Лара Арруабаренага қарши корта чикди. Бахснинг биринчи сетада 7:5 ҳисобида ғалаба қозонган ҳамюртимиз иккинчи сетда ҳам рақибнинг кескин тўп узатишлариға аниқ жавоб берди ва яқунда 6:4 ҳисобида ғалиб келди.

Биринчи давранинг яна бир қизиқарли учрашуви туркиялик Кайла Буюаксай ҳамда италиялик Карин Кнапп ўртасида ўтди. Ушбу ўйинда Карин рақибни устидан 6:2, 7:6 ҳисобида ғалаба қозонди. Руминиялик Ирина Бегу украиналик Катерина Козловани 6:3, 6:1, Латвиялик Елена Остапенко исроиллик теннисчи Шахар Пьерни 6:3, 7:5, япониялик Мисаки Дои чехиялик Катерина Синаковани 6:4, 6:3, россиялик Александра Панова словакиялик Кристина Кусовани 6:1, 7:6 ҳисобида мағлубиятга учратди.

Иккинчи даврада Нигина Абдураимова ҳамда Александра Панова ўзаро тўқнаш келса, Окгул Омонмуродова украиналик Людмила Кичинокка қарши корта чикди.

Ж.ТОШХҲҲАЕВ,
ЎЗА мухбири



М. Амин (ЎЗА) олган сурат

БИЛИМЛАРИ МУСТАҲКАМЛАНДИ

Музейлар бизнинг бой тарихимизни намоён этадиган маскан ҳисобланади. Асосийси, ўсиб келаётган ёш авлод онгига тарихимиз ҳақида яққол тасаввурга эга бўлиш имконини беради.

«Камолот» ёшлар ижтимоий ҳаракати Миробод туман Кенгаши томонидан Сардорлар ва Етақчилар Кенгаши ёшларининг Ўзбекистон тарихи давлат музейига саёҳати уюштирилди.

Тадбир ёш авлодни истиқлол ғояларига садоқат, она Ватанга муҳаббат, мамлакатимиз миллий манфаатларини мардонавор ҳимоя қиладиган инсонлар этиб тарбиялаш, ёшларимизнинг билим-савиясини ошириш, уларнинг Ўзбекистон тарихига бўлган қизиқишларини янада кучайтириш мақсадида ташкил этилди.

Айтиш жоизки, музейга келган ҳар бир инсон неча ёш бўлишидан қатъи назар ўзининг тарихини, маданиятини билиб, бой ўтмишга эга халқига, аجدодларига бўлган ҳурмати янада ортади. Шу билан бирга шундай юртнинг фарзанди эканлигидан фахрланади.

Музей ходимлари ёшларни давлатимиз тарихи билан яқиндан таништириб ўтди, ёшлар ўзларини қизиқтирган саволларга жавоблар олишди. Асосийси эса янги маълумотлар ва яхши таассуротлар билан қайтишди.

Таълим муассасаларида ўтилаётган дарслардаги назарий билимларни амалий жиҳатдан мустаҳкамлашда музейнинг аҳамияти катта. Ҳар бир ўқувчи ота-боболаримиз қолдирган бой моддий-маънавий меросни ўз кўзи билан кўради. Ёшларимизнинг музейларга кўп келиши алломуларимиз ҳақида маълумотга эга бўлиш билан бир қаторда Ватанга бўлган меҳрининг янада ортиши имконини беради.

Зиёда РАСУЛОВА

«101»

ЭЛЕКТР АНЖОМЛАРИ СОЗ БЎЛСИН

Ёнғин хавфсизлиги қоидалари бўйича амалга оширилаётган тарғибот ишларидан кўзланган асосий мақсад «тинч сиз ёв»га қарши курашишни кучайтириш, унинг олдини олишга аҳолини кенг жалб этишдан иборатдир.

Зеро, ёнғин билан курашиш ҳар бир фуқаронинг бурчи ҳисобланади. «Ўз уйингни ўзинг асра» деган шиор ҳар бир фуқаро, хонадон, маҳалла, корхона-ташкilot, муассасага тааллуқлидир.

Аҳолига эса ўз уйларида ёнғинларнинг олдини олиш учун қуйидаги тавсияларга амал қилса мақсадга мувофиқ бўлишини эслатиб ўтаемиз:

- очик алангадан фойдаланганда эҳтиёт чораларини кўринг;
- электр билан ишлайдиган анжомларнинг соз эканлигини мунтазам назорат қилиб туринг;
- махсус белгиланган жойларда чекиш лозим;
- электр симларнинг уйнинг ёнувчи қисмларидан махсус қопламалар орқали ўтказилишини таъминланг.

Шунингдек, бизнинг келажагимиз бўлган ёш болаларнинг олов билан уйнашлари хавфли эканлиги кундан-кунга равшан. Ҳеч ким фарзандининг ёнғин сабаб ногирон бўлиб қолиши ёхуд ҳаётдан бевақт кўз юмишини истамаслиги аниқ. Бунинг учун уларнинг олов келтириб чиқарувчи мосламаларда ўйнамасликларини таъминлаш, болаларга ҳам ёнғин хавфсизлиги қоидаларини ўргатиш даркор.

Валижон АБИДОВ,
12-ХҲО 23-ХҲҚ бошлиғи, майор

Қатрлар

КЎПДАН АЖРАБ

Машина йўлда еларкан, мотор севинчидан қизишиб сувлари қайнайди.

— Мен турганда ғилдирак, педалнинг хизмати учкунчалик, — дейди мотор.

Гоҳ текис, гоҳ ғадир-будур йўлларда эзилиб юраётган ғилдиракка моторнинг сўзи ўлганнинг устига тепгандек бўлди.

— Аҳволингни кўрамиз, — дейди ғилдиракка ва «пис-с-с»лаб букчайди.

Машина олдинга жилломай тўхтади. Моторнинг овози бузук. Жаҳл-ла захар тутунини бурқситиб тариллайди. Борлиқни ларзага солгани билан кошки эди, машина олдинга силжиса!

Ерга қапишиб ётган эски ғилдирак ўрнига ишга ўтган янги-си юрагини бўшатади: — Кўп бурқсийверманг, ўртоқжон. Тўғри, сиз ҳам кераксиз.

Биз хушёр бўлиб турмасак оёққа,

Биздан ажраб борардингиз қаёққа?!

Манзил: 100029,
Тошкент шаҳри,
Матбуотчилар кучаси, 32

ТЕЛЕФОНЛАР:
Эълонлар: 233-28-95,
факс: (371) 233-29-55

Бизнинг электрон манзил:
gazeta-vto@mail.uz

Буюртма Г- 955

Душанба, сешанба, чоршанба,
пайшанба ва жума кунлари чиқади
Нашр кўрсаткичи — 563

ТОШГА ҚИЁСЛАМАНГ

Бировни тоғдек ғам эзса ҳам ачинмайдиган одамни тошмехр деб, тошга қиёсламанг, азизим!

Сиз атаган тошмехр киши қишда ҳам бирдек, баҳорда ҳам бирдек, ёзда ҳам бирдек, кузда ҳам бирдек, кўнгли доим муз. Табиатга ҳам, одамга ҳам бефарқ.

Тош-чи? Киш совуғидан тез музлайди. Баҳор қуёшидан илйиди. Ёзда қизиб, кузда совийди. Фасллар билан кўпдан буён гўё қадрдонлардек. Табиатга бефарқ эмас. Демак, инсонга ҳам бефарқ эмас.

Инсонга бемехр одамни тошмехр деб, тошга қиёсламанг, азизим!

КИМГА АЧИНИШ КЕРАК?

— Яқин оғайним эди, ёш кетди-да, — дедим қабристондан қайтар эканман таниш отахонга.

— Оз яшаса ҳам соз яшади. Савоб ишни эса кўп қилишга улгурди, охирати обод бўлгур. Ёш кетди, деб ачинманг. Биласизми кимларга ачиниш керак? Тирик бўлиб сонда йўқ, юртга ва савоб ишга қайишмаган ялқовларга ачининг. Охирати чўл-дўзахларга ачининг...

2007 йил 19 январда Тошкент шаҳар Матбуот ва ахборот божқармасида 02-1-рақам билан рухсатга олинган

Ҳажми — 2 босма табоқ, офсет усулида босилади.
5779 нусхада босилди.
Қоғоз бичими А-2

Тошпириш вақти: 13.00

Нашрни етказиб бериш масалалари бўйича турар жойлардаги почта бўлимларига ёки «Тошкент почтамини» — 233-74-05 телефонига мурожаат қилишингиз мумкин.

Газета таҳририят компьютер марказида терилди ва саҳифаланди

«Шарқ» нашриёт-матбаа акциядорлик компанияси босмахонаси. Корхона манзили: Буюк Турон кўчаси, 41-уй

Бош муҳаррир
Акмал АКРОМОВ

Спорт янгиликлари

2015 йилнинг 9-31 январь кунлари Австралияда футбол бўйича Осиё кубоги мусобақалари бўлиб ўтди. Мазкур мусобақага тайёргарлик қилаётган Ўзбекистон миллий терма жамоаси аъзолари пойтахтимизда Янги Зеландия терма жамоасига қарши ўртоқлик учрашувини ўтказишди.

«Пахтакор» марказий стадионида ўтказилган ўйинда терма жамоамиз аъзолари ҳужумкор ўйин намойиш этиб, Одил Аҳмедовнинг «дубли» ва Сервер Жепаровнинг голи эвазига рақибни устидан 3:1 ҳисобида ғалаба қозонишди.

Таъкидлаш жоизки, терма жамоамиз аъзолари Осиё кубогининг «В» гуруҳида Саудия Арабистони, Хитой ва Корея Халқ Демократик Республикаси футболчилари билан бахслашади. Футболчиларимиз 10 январда гуруҳдаги дастлабки учрашувда КХДР вакиллариға қарши майдонга тушади. Хитой терма жамоасига қарши учрашув эса 14 январь кунини ўтказилади. Гуруҳдаги сўнгги ўйин 18 январь кунини Саудия Арабистони вакиллариға қарши кечади.

Мамлакатимизда Президентимиз раҳнамолигида спортнинг барча турлари қатори шахматни изчил ривожлантиришга ҳам алоҳида эътибор қаратилмоқда. Жойларда кишидан юсак ақл-заковат, сабр-тоқат ва ирода талаб қиладиган ушбу спорт тури билан шугулланиш учун яратилган шарт-шароитлар янада яхшиланмоқда. Ватанимиз мустақиллигининг 23 йиллиги байрами арафасида Тошкентда шахмат бўйича ихтисослаштирилган республика болалар ва ўсмирлар спорт мактабининг очилгани бунга яққол мисолдир.

Ўзбекистон Шарқ яққақурашлари ва жанг санъатларини ривожлантириш марказида ўзбек жанг санъати эришяётган марралар таҳлилига бағишланган матбуот анжумани ўтказилди.

Унда федерация вакиллари, спортчилар ва оммавий ахборот воситалари ходимлари иштирок этди.

Дарҳақиқат, мустақиллик йилларида мамлакатимизда миллий қадриятларимиз, урф-одатларимизни тиклаш, асраб-авайлаш ва ривожлантириш борасида кенг қўлмалли ишлар олиб борилмоқда. Жумладан, 2009 йилда ўз фаолиятини бошлаган Ўзбек жанг санъати федерациясининг ташкил этилиши бунинг ёрқин исботидир. Ўзбек жанг санъати миллий спортимизнинг қадимий турларидан бири бўлиб, ушбу яққақурашда аждодларнинг қўл жанги санъати, кураш, етти тирсак каби беллашув усуллари ҳос энг сара, мукаммал ҳаракатлар мужассамлашган. Ҳозирги кунда мазкур спорт тури билан мамлакатимизда 40 мингдан зиёд ўғил-қиз мунтазам равишда шугулланмоқда. Федерация Жаҳон миллий жанг санъатлари уюшмаси (WoMAU), Жаҳон яққақураш спорт турлари ташкилоти (WASCO) ҳамда Халқаро жанг санъатлари ассоциацияси (MAAI) каби нуфузли халқаро спорт ташкилотлари аъзоси сифатида фаолият юритмоқда. 2014 йили Ўзбек жанг санъати усталари Қозоғистонда ўтказилган яна бир халқаро мусобақада муваффақиятли иштирок этишди. Шунингдек, яқинда ёш спортчиларимиз Жанубий Кореянинг Чонг-Жу шаҳрида жаҳон миллий жанг санъатлари уюшмаси (WoMAU) томонидан ўтказилган халқаро фестивалда муносиб қатнашиб, яқинда иккинчи ўринни қўлга киритишди.

Таъкидлаш керакки, мусобақаларда Сетора Нишонов, Мафтуна Худойрова, Мафтуна Зоирова, Наргиза Хайруллаева, Гулбаҳор Ашурова, Шерпўлат Усмонов, Акмал Хамроев, Азамат Абдураимов ва Акбар Собировларнинг маҳорати юқори баҳоланди.

Матбуот анжумани давомида ўзбек жанг санъатини ривожлантириш борасидаги ишлар ва келгусида ўтказиладиган мусобақалар ҳақида тўхталиб ўтилди ҳамда журналистларни қизиқтирган саволларига жавоб қайтарилди.

Муҳаммадхон БОЗОРОВ

РЕКЛАМА ВА ЭЪЛОНЛАР



ЎЗЎРМАТЛИ ТОШКЕНТ ШАҲАР ТЕЛЕФОН ТАРМОҒИ АБОНЕНТЛАРИ!

Телекоммуникация тармоғида рақамлаш тизимини халқаро стандартларга мослаштириш мақсадида, 2014 йил 24 сентябрдан бошлаб 1 октябргача Тошкент шаҳри «ТШТ» филиали тармоғида шаҳарлараро ва халқаро сўзлашувларни амалга ошириш учун рақам териш қоидаларини ўзгартириш бўйича ишлар олиб борилади. Ишлар якунига етганидан сўнг шаҳарлараро алоқага чиқиш «8» рақами ўрнига «0» рақамини, халқаро алоқага чиқиш «8-10» рақами ўрнига «00» рақамини териш йўли билан амалга оширилади.

Тошкент Давлат техника университети жамоаси «Машинасозлик материаллари ишлов бериш» кафедраси доценти Вера Петровна Брагинага турмуш ўртоғи **Илья ШКУРОПАТИН** вафоти муносабати билан чўқур таъзия изҳор этади.



кундузи — 28-30 даража иссиқ бўлади. Ўзгидрометнинг мониторинг хизмати маълумотиға кўра,

Тошкент шаҳрида 11 сентябрь кунини ҳаво бир оз ўзгариб туради, ёнғин-чилик бўлмайди. Фарбдан секундиға 7-12 метр тезликда шамол эсади. Ҳарорат кечаси — 11-13,

11 сентябрда Тошкент шаҳрининг об-ҳаво шароити шаҳар ҳаво муҳитида зарарли моддаларнинг сақланиб қолишига имконият яратаяди, ифлосланиш даражаси паст бўлади.

Гани АБДУЛЛАЕВ



МУАССИС: ТОШКЕНТ ШАҲАР ҲОКИМЛИГИ



Бизнинг электрон манзил:
gazeta-vto@mail.uz

Буюртма Г- 955

Душанба, сешанба, чоршанба,
пайшанба ва жума кунлари чиқади
Нашр кўрсаткичи — 563

Ҳажми — 2 босма табоқ, офсет усулида босилади.
5779 нусхада босилди.
Қоғоз бичими А-2

Тошпириш вақти: 13.00

Нашр учун масъул
Д. Исроилов

Босишга топширилди: 13.10